



Nuuk, 10. november 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqut:**

Nunat allamiut suliffiutaasa nunatsinnut sulissallutik tikinnerini suliffiutimi nunatsinnut angerlarsimaffeqartinneqartarnissaannut tunngatigullu Naalakkersuisut qanoq isiornikkut qulakkeerninniarpat?

Nunat allamiut suliffiutaasa selskabersuit nunatta inatsisaannut aammalu piumasaqaataannut aallaaveqartumik ingerlatsisoqarnissaannut tunngatillugu Naalakkersuisut qanoq qulakkeerninninniarpat, taamatummi isiornermi immikkut aaqqissuussinerit atugassiissutiginaqit allatuulli nunaqavissutut atugassaqartinneqarnerat qulakkeerneqassammat?

(Inatsisartunut ilaasortaq Aleqa Hammond, Siumut)

**Tunngavilersuut:**

Aatsitassarsiorneq, uuliasiorneq, erngup nukinganik nukissiuteqarneq aallaavigalugu suliffissuit assigisaasalu kinguneraat nunatta avataanit soqutigineqarnerata annertusiartornera tamannalu aningaasarsiorsinnaanertut isigineqarluni soqutigineqarpoq. Qulakkeerneqartariaqarpoq nunatta aningaasatigut politikikkullu ingerlatsinermi iluaqutissatut angusaqarfigissagaa.

Nunatta innuttai, suliffeqarfiutai, kattuffii il.il. siunissami aaqqissuussinerup qanoq isikkoqarnissaanut sunniuteqassasut oqariartuutaalu pingaartillugit ingerlatsisoqassasoq – aamma avataaniit suliffeqarfissuit pillugit isummersornermi.

Inussiarnersumik erseqqissaassutigissangakku apeqqutigisama ullut suliffiusut qulit qaangiutsinnagit akereerneqarsimassammat.